



Khomishene ya B-BBEE ke Bomang?

Khomishene ya Go Matlafadiwa Seikonomi ga Bantsho ka Kakaretso (Broad-Based Black Economic Empowerment Commission ["Khomishene ya B-BBEE"]) e thomilwe jaaka setlamo se se ikemetseng tlase ga Lefapha la Tsa Kgwebo, Madirelo le Kgaisano (Department of Trade, Industry and Competition ["the dtic"]) mme se tsamaisiwa ke Molawana wa bo 53 wa 2003 wa Go Matlafadiwa Seikonomi ga Bantsho ka Kakaretso, o o tihabolotsweng ke Molawana wa bo 46 wa ka 2013 ("Molawana wa B-BBEE").

Ke mang yo o tshwanelegang go nna Kgwebo-Potlana e e Tshwanelegang (Qualifying Small Enterprise [QSE])?

Tumalanong le Molawana o o tihabolotsweng wa Melawana ya B-BBEE e e Tlhalosang Maitsholo a a Siameng a Badiri mo Kgwebong e e simolotsweng go diragadiwa ka di 1 tsa Motsheganong 2015, QSE ke Setlamo se se Thusang ka Tlamelo ya Ditirelo se se nang le Lotseno lwa ngwaga le ngwaga lwa magareng ga dimilione tsa di ranta di le 10 mme e le kwa tlase ga dimilione di le 50 tsa diranta.

Dikarolo tsa di-QSE

- Di-QSE tse di akaretsang maloko otlhe
- Di-QSE tsa Ditheo

tse di rileng

Di-QSE tse di akaretsang

maloko otlhe

QSE e e leng ya motho yo montsho ka selekanyo sa 100% e tla tsenngwa ka gangwe fela mo seemong sa 1 mme QSE e e leng ya motho yo montsho ka selekanyo sa 51% e tla tsenngwa ka gangwe fela mo seemong sa bo 2 mo maemong a tsone a B-BBEE.

Setlamo se se Thusang ka Tlamelo ya Ditirelo se se sa kgoneng go tsena mo karolong

eno, se tshwanetse go tsamaisana le bobotlana dilo tse pedi tse di mo Thulaganyong ya B-BBEE e e Akaretsang Maloko Otlhe:

- Kgwebo e patelesega gore beng ba yone e bo e le bantsho; le gore gongwe e bo e le
- Kgwebo le Setlamo se se Tlamelang ka Dithoto kgotsa sa Tlhabololo ya Dikgono-Tiro

Di-QSE tse go nna ga tsone le beng ba e leng bantsho go fitlha go selekanyo sa 100% kgotsa 51% di tshwanetse go dirisa thempoleite ya lekwalo la maikano e e mo webosaeteng ya Lefapha la Tsa Kgwebo, Madirelo le Kgaisano (the **dtic**) www.thedtic.gov.za kgotsa setifikeite sa Khomishene ya Dithoto le Dithata tsa Ditlamo (Companies and Intellectual Property Commission ["CIPC"]) ngwaga le ngwaga.

Boikaelelo jwa kgato eno ke go fokotsa ditshenyegelo tsa go leka go tsamaisanya dilo le molao le ditshenyegelo tsa go direla dikgwebo tse di potlana le tse di mo magareng tiro mo Aforika Borwa.

Di-QSE tse di akaretsang maloko otlhe tse go nna ga tsone le beng ba e leng bantsho go sa fitlheng go 100% kgotsa 51% di tshwanetse go tlathobiwa go dirisiwa thulaganyo ya QSE di bo di newa setifikeiti se se tshwanetseng sa B-BBEE ngwaga le ngwaga go tswa go setheo sa tlhomamiso se se neilweng tetelelosemmuso ke SANAS (South African National Accreditation System) e leng Lephata le le neilweng dithata la go Tlhomamisa gore dilo di dirwa sentle.

Di-QSE tsa Setheo

Go tshwanelega ga setheo se e leng karolo ya setheo se se rileng gore se tshwanelegele go nna QSE go tlhomiwa ke Tšhata ya Setheo e se berekang go ya ka yone. Tse di latelang fano ke Ditšhata tsa Setheo tse di tsentsweng mo kaseteng ya Puso:

- Tšhata ya Agri-BEE
- Tšhata ya Setheo sa Ditšhelete (Financial Sector Charter)
- Tšhata ya Thekenoloji ya Tlhaeletsano le Tshedimoseiso (Information and Communication Technology [ICT])
- Tšhata ya Setheo sa Dithoto ya Kgwebo e e Dirilweng (Property Sector Charter)
- Molawana wa Setheo ka Bobalamatlotlo jo bo Kwadisitsweng (Chartered Accountancy Sector Code)
- Melawana e e Kopantsweng ya Setheo sa Dipalangwa (Integrated Transport Sector Codes
- Forest Sector Code)
- Molawana wa Setheo wa Go Maketa, Go Dira Dipapatso le Tlhaeletsano (Marketing, Advertising and Communication [MAC])
- Molawana wa Setheo wa Bojanala (Tourism Sector Code)

Commented [LCM1]: Also check page numbering it read as 2 of and no nu,ber is indicated

Ditšhata tsa Molawana wa Setheo tse di mo lenaaneng le le fa godimo di ka fithelelwa mowebosaeteng ya **dtic**, e e bontshang dipatlafalo tsa go tshwanelege tsa di-QSE mo karolong e e rileng ya setheo.

Tsela ya go ikgolaganya le rona:

Campus, 77 Meinties street, Sunnyside, Pretoria, Gauteng, 0002
Tel: (+27) 12 394 1535, Fekese +27 (12) 394 2535
Private Bag X84, Pretoria, Gauteng, 0001
Imeile: MRamare@beecommission.gov.za

the dtic Postal Address Private
Bag X84 Pretoria
0001
Tel: (+27) 12 394 1535
Imeile: MRamare@beecommission.gov.za